



REPUBLIKA E SHQIPËRISË

MINISTRIA E ARSIMIT, SPORTIT DHE RINISË
MINISTRI

Nr. 10912/1 Prot.

Tiranë, më 18.12.2019

U D H Ë Z I M

Nr. 29, Datë 18.12.2019

PËR
KRIJIMIN DHE ADMINISTRIMIN E REGJISTRAVE SHTETËRORË TË
GRADAVE SHKENCORE DHE TITUJVE AKADEMIKË TË LËSHUAR NË
REPUBLIKËN E SHQIPËRISË

Në mbështetje të pikës 4 të nenit 102 të Kushtetutës, të shkronjës “g” të pikës 2 të nenit 7 dhe të pikës 3 të nenit 61, të ligjit nr.80/2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, të vendimit nr.112, datë 23.2.2018, të Këshillit të Ministrave, “Për përcaktimin e kriterëve për fitimin e gradës shkencore “Doktor” dhe të standardeve shtetërore për fitimin e titujve akademikë “Profesor i Asociuar” dhe “Profesor””, vendimit nr.777, datë 26.12.2018, të Këshillit të Ministrave, “Për kontrollin antiplagjiaturë të disertacioneve për fitimin e gradave shkencore”,

U D H Ë Z O J:

KREU I
DISPOZITA TË PËRGJITHSHME

1. Regjistrat shtetërorë për regjistrimin e gradës shkencore “Doktor” dhe titujve akademikë “Profesor i Asociuar” dhe “Profesor” janë një bazë unike të dhënash e të gjitha gradave shkencore dhe titujve akademikë të lëshuara nga institucionet e arsimit të lartë që ushtrojnë veprimtarinë e tyre në Republikën e Shqipërisë, në përputhje me përcaktimet e kuadrit ligjor në fuqi.
2. Regjistrat shtetërorë të gradave shkencore dhe titujve akademikë janë:
 - a) Regjistri shtetëror për gradën shkencore “Doktor”.
 - b) Regjistri shtetëror për titullin akademik “Profesor i Asociuar”.
 - c) Regjistri shtetëror për titullin akademik “Profesor”.
3. Regjistrat shtetëror të gradave shkencore dhe titujve akademikë të lëshuar nga Institucionet e Arsimit të Lartë (IAL) në Republikën e Shqipërisë, krijohen dhe administrohen në Agjencinë Kombëtare të Kërkimit Shkencor dhe Inovacionit (AKKSHI).

4. AKKSHI harton një rregullore të veçantë mbi administrimin e regjistrave.
5. Regjistrat shtetërorë të gradave shkencore dhe titujve akademikë mbahen në formë të shkruar (me dorë) dhe format elektronik, sipas formatit të përcaktuar në këtë udhëzim. Regjistrat në formë të shkruar (me dorë) plotësohen nga punonjësi i autorizuar i AKKSHI. Në rast mospërputhje të dhënash, merren për bazë të dhënat e regjistrave në formë të shkruar (me dorë). Regjistrat e mbajtur në formë të shkruar (me dorë), depozitohen në arkivat e shtetit, sipas kuadrit ligjor në fuqi për arkivat.
6. Përdorimi dhe përpunimi i të gjithë informacionit dhe të dhënave të gjeneruara si rezultat i procedurave të regjistrimit, kryhet në përputhje me ligjin nr. 9887, datë 10.3.2008, “Për mbrojtjen e të dhënave personale”, i ndryshuar dhe ligjin nr. 35/2016 “Për të drejtat e autorit dhe të drejtat e tjera të lidhura me to”.
7. Regjistrimi, përpunimi dhe ruajtja elektronike e të dhënave realizohet nëpërmjet një sistemi të informatizuar që administrohet me rregullore të veçantë.

KREU II TË DHËNAT E REGJISTRAVE

1. Të dhënat që plotësohen në regjistrin shtetëror të gradës shkencore “Doktor”:

- a) Numri rendor.
- b) Emër, atësi dhe mbiemër të personit të cilit i jepet grada shkencore “Doktor”.
- c) Gjinia.
- d) Datëlindja.
- e) Shtetësia.
- f) Emërtimi i institucionit/ve të arsimit të lartë ku personi ka kryer studimet e doktoratës.
- g) Emërtimi i institucionit të arsimit të lartë, i njësisë kryesore dhe/ose njësisë bazë që jep gradën shkencore “Doktor”.
- h) Forma e studimit.
- i) Numri i matrikullimit.
- j) Data e regjistrimit në programin e studimit të Doktoratës.
- k) Numri dhe data e Vendimit të jurisë për dhënien e gradës shkencore “Doktor”.
- l) Data e regjistrimit në regjistër të gradës shkencore.
- m) Tema e disertacionit.
- n) Fusha e studimit dhe vlerësimi.

2. Të dhënat që plotësohen në regjistrin shtetëror të titullit akademik “Profesor i Asociuar”:

- a) Numri rendor.
- b) Emër, atësi dhe mbiemër të personit të cilit i jepet titulli akademik.
- c) Gjinia.

- d) Datëlindja.
- e) Shtetësia.
- f) Emërtimi i institucionit të arsimit të lartë që lëshon titullin akademik.
- g) Numri dhe data e Vendimit të Komisionit për Promovimin e Personelit Akademik.
- h) Data e regjistrimit në regjistër e titullit akademik.
- i) Fusha e studimit.
- j) Data e fitimit të gradës shkencore “Doktor”.

3. Të dhënat që plotësohen në regjistrin shtetëror të titullit akademik “Profesor”:

- a) Numri rendor.
- b) Emër, atësi dhe mbiemër të personit të cilit i jepet titulli akademik.
- c) Gjinia.
- d) Datëlindja.
- e) Shtetësia.
- f) Emërtimi i institucionit të arsimit të lartë që lëshon titullin akademik.
- g) Numri dhe data e Vendimit të Komisionit për Promovimin e Personelit Akademik.
- h) Data e regjistrimit në regjistër e titullit akademik.
- i) Fusha e studimit.
- j) Datën e fitimit të titullit “Profesor i Asociuar”.

**KREU III
KRITERET PËR REGJISTRIM**

1. Institucionet e arsimit të lartë përcjellin pranë institucionit përgjegjës për regjistrimin kërkesën dhe informacion mbi çdo gradë shkencore apo titull akademik të lëshuar prej tyre.
Shkresa/kërkesa zyrtare përmban:
 - a) Për regjistrimin e gradës shkencore “Doktor”:
 - i. Emër, atësi, mbiemër, shtetësia, datëlindja dhe gjinia e personit të cilit i jepet grada shkencore.
 - ii. Forma e studimit.
 - iii. Numrin e matricullimit.
 - iv. Temën e disertacionit.
 - v. Datën e regjistrimit në studimet e Doktoratës.
 - vi. Kopje elektronike (CD) të disertacionit në formatin *word* dhe *pdf*.
 - vii. Linkun/adresën e faqes *web* në të cilin është publikuar disertacioni përkatës.
 - viii. Numrin dhe datën e vendimit të jurisë. Të bashkëlidhet kopje origjinale e vendimit përkatës, si dhe procesverbali (nëse është mbajtur një i tillë).
 - ix. Fushën e studimit.
 - x. Konfirmimi që është kryer kontrolli antiplagjiaturë i disertacionit të mbrojtur për fitimin e gradës shkencore “Doktor” dhe njoftimi i programit/soft-it përkatës të përdorur.

- b) Për regjistrimin e titullit akademik “Profesor i Asociuar”.
 - i. Emër, atësi dhe mbiemër, shtetësia, datëlindja dhe gjinia e personit të cilit i jepet titulli akademik “Profesor i Asociuar”.
 - ii. Numrin dhe datën e vendimit të Komisionit për Promovimin e Personelit Akademik. Të bashkëlidhet kopje origjinale e vendimit përkatës, si dhe procesverbali (nëse është mbajtur një i tillë).
 - iii. Numrin dhe datën e vendimit të fitimit të gradës shkencore “Doktor”.
- c) Për regjistrimin e titullit akademik “Profesor”.
 - i. Emër, atësi dhe mbiemër, shtetësia, datëlindja dhe gjinia e personit të cilit i jepet titulli akademik “Profesor”.
 - ii. Numrin dhe datën e vendimit të Komisionit për Promovimin e Personelit Akademik. Të bashkëlidhet kopje origjinale e vendimit përkatës, si dhe procesverbali (nëse është mbajtur një i tillë).
 - iii. Numrin dhe datën e vendimit të fitimit të titullit akademik “Profesor i Asociuar”.

KREU IV REGJISTRIMI

1. Regjistrat shtetërorë të gradave shkencore dhe titujve akademikë plotësohen sipas formatit të shtojcave përkatëse bashkëlidhur dhe pjesë përbërëse e këtij udhëzimi, si dhe fillojnë me numrat rendorë:
 - a) A01 - Regjistri shtetëror i gradës shkencore “Doktor” (shtojca nr.1).
 - b) B01 – Regjistri shtetëror i titullit akademik “Profesor i Asociuar” (shtojca nr.2).
 - c) C01 – Regjistri shtetëror i titullit akademik “Profesor” (shtojca nr.3).
2. Specialisti/struktura përgjegjëse për plotësimin e regjistrit shtetëror përkatës, në rastet kur kërkesa e IAL-së nuk është hartuar sipas kërkesave të përcaktuara në kreun III, të këtij udhëzimi, i kërkon IAL-së plotësimet e nevojshme.
3. Kur kërkesa e IAL- së për regjistrimin e gradës shkencore dhe/ose titullit akademik, është hartuar sipas kërkesave të përcaktuara në kreun III, të këtij udhëzimi, brenda 15 ditëve nga marrja në dorëzim e kërkesës, kryhet regjistrimi në regjistrin përkatës shtetëror dhe njoftohet zyrtarisht IAL-ja për numrin e regjistrit.

KREU V PROCEDURA E REGJISTRIMIT

1. Kërkesa zyrtare për regjistrimin e gradave shkencore apo titujve akademikë në regjistrin shtetëror përkatës përcillet pranë AKKSHI, pas plotësimit nga IAL-ja të kriteve dhe ndjekjes së procedurave të përcaktuara në kuadrin ligjor në fuqi.
2. Regjistrimi i gradave shkencore apo titujve akademikë në regjistrin shtetëror përkatës nuk certifikon përmbushjen e kriteve, procedurave dhe modaliteteve për fitimin e tyre, të përcaktuara në kuadrin ligjor në fuqi.

3. Në rast se në vijim të kontrollit nga ministria përgjegjëse për arsimin konstatohen parregullsi në dhënien e gradave shkencore apo titujve akademikë, AKKSHI rezervon të drejtën për të çregjistruar gradën shkencore/ titullin akademik nga regjistri shtetëror përkatës.
4. Dokumentet shoqëruese të kërkesës së IAL-së duhet të jenë në origjinale ose kopje të njehsuara me origjinalin. Dokumentet duhet të jenë të saktë dhe të plotë.
5. Dokumentet duhet të jenë në gjuhën shqipe, ose të përkthyer dhe të vërtetuara në gjuhën shqipe dhe të legalizuara sipas legjislacionit në fuqi.

KREU VI DISPOZITAT E FUNDIT

1. Regjistri shtetëror i gradave shkencore “Doktor” i krijuar dhe plotësuar përpara hyrjes në fuqi të këtij udhëzimi, mbyllet dhe arkivohet sipas kuadrit ligjor në fuqi për arkiva, pranë ministrisë përgjegjëse për arsimin, me hyrjen në fuqi të këtij udhëzimi.
2. AKKSHI përcjell informacion në MASR lidhur me regjistrimet e kryera, çdo gjashtë muaj.
3. Ngarkohet për zbatimin e këtij udhëzimi, Sekretari i Përgjithshëm, Drejtoria e Përgjithshme e Politikave dhe Zhvillimit të Arsimit, Sportit dhe Rinisë, Drejtoria e Përgjithshme Ekonomike dhe e Shërbimeve Mbështetëse, Agjencia Kombëtare e Kërkimit Shkencor dhe Inovacionit dhe institucionet e arsimit të lartë.

Ky udhëzim hyn në fuqi pas botimit në “Fletoren Zyrtare”.

MINISTËR

BESA SHAHINI



SHTOJCA NR.1

Nr.	Emri	Atësia	Mbiemri	Shtetësia	Gjinia	Datëlindja	Institucioni/et e arsimit të lartë	Njësia Kryesore	Forma e Studimit	Numri i matrikullimit	Data e regjistrimit	Numri vendimit	Data vendimit	Tema	Fusha	Vlerësimi
A01																
A02																
A03																
A04																
A05																
A06																
A07																
A08																
A09																
A10																
A11																
A12																
A13																
Etj.																

SHTOJKA NR.2

Nr.	Emri	Atësia	Mbiemri	Shtetësia	Gjinia	Data e lindjes	Institucioni i arsimit të lartë	Numri i vendimit të KPPA	Data e vendimit	Data e regjistrimit në regjistrë	Fusha	Data e fitimit të gradës shkencore "Doktor"
B01												
B02												
B03												
B04												
B05												
B06												
B07												
B08												
B09												
B10												
B11												
B12												
B13												
Etj.												

SHTOJCA NR.3

Nr.	Emri	Atësia	Mbiemri	Shtetësia	Gjinia	Datëlindja	Institucioni i arsimit të lartë	Numri i vendimit të KPPA	Data e vendimit	Data e regjistrimit në regjistrë	Fusha	Data e fitimit titullit akademik "Profesor i Asociuar"
C01												
C02												
C03												
C04												
C05												
C06												
C07												
C08												
C09												
C10												
C11												
C12												
C13												
Etj.												